



四溟山人全集卷之十六

東郡 謝榛 著

東郡 蘇黃

赤城 陳養才 全校

東郡 新安 張季彦 程兆相 全閱 詳校

五言排律一百三十六首

正月十七夜集孫都督志健太史志高昆季宅

昨賞度星橋張燈復此宵已經佳節過何意美人招
巷靜鐘初徹庭寒雪未消論文片月轉拂劍七星搖

禮樂開賓席簪纓接 聖朝名齊周太史功擬漢嫫
姚歌鳳時方異登龍路不遙還期醉同賦御柳簇春
條

初春夜同朱伯鄰應瑞伯董德甫梁公濟徐
子明五兵部餞別謝少安使秦中

結駟停深巷張筵對廣除月高春雪後風靜夜鐘餘
聖世才堪並幽期意未踈同宗有安石作賦見相如
蜀嶺開征路秦關度使車他時懷此會莫滯錦江魚
寄李明府伯承

天涯頻送客而我獨栖栖多病春花發孤懷候鳥啼

美人斷音信風物感離睽地接斗牛外江流吳楚西
別時霜晶晶去後草萋萋詞賦枚生近聲名潘令齊
策勲看玉劔抗疏擬金閨蚤晚香山約磨崖更一題

送陳郎中元卿出守彰德因還錢塘省親

帝里踈狂客卿家伯仲知春花相對處夜月獨過時
氣合殊飛動交深偶別離丹楓江路上黃鳥鄴中期
目極南雲度心依北斗垂君恩除命早母病赴官遲
虎礪寒彌靜龍山秋更奇使君一臨眺民瘼幾憂思

送趙兵憲綱夫之宣府

曉發居庸道征袍霜露侵揚旌度寥廓吹角動蕭森

殘月樓中甯青山馬上吟風雲占氣候亭障足登臨
孤嶺寒城斷龍沙秋草深明王憂紫塞戰士感黃金
樽俎三邊策烽烟獨夜心功成竟何處海上有丹岑

送曹侍御按江西

當朝柱下史早歲被清輝草疏宵鐘徹憂時寒月微
巡行持繡斧慷慨別彤闈天迥帆檣去秋高鴻鴈飛
江山動風色蛟蜃避霜威路出湓城樹雲開彭浪磯
清新傳漢藻迢遞遲音徽他日燕京道還看驄馬歸

石佛廢寺

在居庸關彈
琴峽之西

峽轉逢孤寺庭荒起暮烟石堂惟有壁松樹不知年

劫火關塵世名香斷勝緣登臨霜草地想像雨花天
何處飛馴鴿無由見老禪梵音泉自落法鏡月空懸
淨土還如此浮生重惘然門前車馬客誰復問青蓮

塞下二首

青山行不斷獨馬去遲遲宿霧開軍壘寒城見酒旗
沙連天盡處霜重日高時慘淡兵戈氣蕭條榆柳枝
乾坤疲戰代將相繫安危寄語籌邊者功名當自知

二

路出古雲州風沙吹不休烏鳶下空磧駝馬渡寒流
地曠邊聲動天高朔氣浮霜連窮海夕月照大荒秋

擊鼓番王醉吹笳漢女愁龍城若復取俠士幾封侯
送胡戶曹伯常遷襄府左史

歲晚襄陽道憐君去國賒襟期同賈傅風景卽長沙
作賦湘娥浦談經帝子家此懷傾竹葉何日寄梅花
漢水度春鴈楚山橫暮霞浮雲渺不極直北望京華
送趙太守萬舉遷任淮安

相思隔楚樹相聚復燕州五馬翻成別孤樽不可留
江河自襟帶南北此咽喉昭代今多事蒼生日隱憂
幾時堪臥治何處薄徵求海上寒濤息天邊春氣流
花明射陽水月滿鎮淮樓地勝多名士何人託乘游

送董克平宰六合

君才試百里乘曉出長安樽俎沙頭別帆檣天際看
東南應星宿淮海得郎官王氣秣陵近潮聲瓜步寒
早鶯啼縣郭春草遍江干寶劍還誰識瑤琴且自彈
歌謠知俗變案牘坐更殘若憶風騷侶迢迢寄楚蘭
歲暮北上留別趙王枕易殿下

咫尺望宮城高雲縱復橫女牛天上隔河漢夜深明
孤月三秋色寒螿幾處聲蘭花憐早悴桂樹憶冬榮
門下留枚叔樽前款穆生恩多空自感道在豈須盟
桑梓東歸夢風塵北去情飄零能事少悲壯短歌成

逸調非中散窮途卽步兵懸知魏王子不負建安名
送陳駕部邦禮出守潮陽

五馬辭郎署雙旌駐祖筵青山相別後黃鳥獨吟邊
曉色分江樹春風送楚船雲深嶺外路地盡海南天
疊浪平夷島高秋肅瘴煙蠻方俗化日郡閣政成年
雨露三農足歌謠萬里傳昌黎有遺廟千載尚依然
報國寺同馮戶曹汝言昆季餞別王太守學
甫得橋字

不盡送君意禪函共昨宵離筵過風雨行旆及河橋
黃鳥鄉心劇青山驛路遙春陽浮郡滿雲物度江饒

楚權經千里吳歌自六朝清秋定相憶何處采蘭蓀

送劉別駕達夫之襄陽

送爾臨長陌當歌對落暉黃初新有作白下舊相聞
旅鬢愁將老離筵悵遽分寶刀占氣象綵鷁逐風雲
天遠江湖侶霜清鴻鴈群平生懷古意幾讀峴山文

寄張惟訓

獻賦未央宮歸歎嘆轉蓬道存浮俗外氣合古人中
浪迹謝康樂端居張長公瑤琴自山水龍劍各雌雄
天接關西樹春回塞北鴻五陵迷晚照二華渺晴空
還曳青藜杖遙尋芳桂叢幽期定何日相與醉新豐

陳太守元卿書至自鄴賦此答之

爲郡經年別聲名自下車山川曾甲後風俗建安餘
驛路頻歸夢交情一報書孤鴻當晚落萬柳入秋疎
月白饒鄉思天寒滯客居陳蕃舊榻在今日爲誰虛
寄王叔采

憶昔清洄上踟躕別右軍十年殊未見一字不相聞
漂泊應憐我迢遙幾夢君苦吟先白髮多病後青雲
獨滯周南日還空冀北群飛花悵春過明月感秋分
天外鶴孤唳風前蘭自芬稚圭如舊識寧復北山文
述懷柬計庫部

幾年驚候鴈歸思獨遲遲秋水將垂釣芳蘅惜過時
風騷元自遣懶慢有相知上國聊爲計南州未敢期
君才須更展吾老動堪悲騏驥天邊路鷦鷯月下枝
懷同交偶定道在病何辭他日江湖上還能訪接羅
送少司馬蘇公總制宣大

向曉發長安飛旌入渺漫漠南驅虎豹天上別鸞鷲
一薦膺推轂殊勲報築壇金鉦殷地響寶劍照人寒
自古邊庭計非今將相難龍韜開武庫麟閣待儒冠
青海連兵苦黃金結士歡論功多汗馬從事有材官
漢檄雲中度班銘石上看雄圖驃騎在一戰取樓蘭

送陸明府之高安

昔賢有陸賈之子繼清芬南越才堪振西風思不群
征驂五嶺盡古道百蠻分地轉湯泉脉天流炎海雲
潛牛偏好武孔雀自成文坐倚枕榔樹鳴琴對落矐
送杞縣劉進士子旭使宣府

君才班馬流十度帝京遊 聖代開竒璞春風脫敝
裘長思漢室計獨抱杞人憂擁騎馳邊郡揚旌拂戍
樓霜連涿鹿曉雲斷野狐秋地曠笳逾慘沙寒鴈不
留壯心看劍鏑屈指計刀頭千古儒生輩誰期定遠
侯

同應駕部李太僕游夾山

夾山不登眺勝事只空聞靈異開丹洞孤高入紫氛
東溟收地脉北斗控天文共有松蘿意聊從猿鳥群
持盃駐嶺日吹笛破山雲更覓三花樹還期二使君
早游盤山憇古公蘭若

薊門隨去住遊眺此身輕雲起千峰白泉流一澗清
寒沙餘馬迹初日散鴉聲恰自長林轉翻依峭壁行
空中孤磬落松下老僧迎碧玉開禪徑黃金作化城
共言超有象誰會入無生何必匡廬上遙尋惠遠盟

秋感

燕臺詞賦客留滯鬢成絲自幸逢三代那堪重百罹
邊聲來遠近庭議動參差何計兵戈偃頻年士馬馳
山連胡部落雲閃漢旌旗白屋餘雞犬巖城集虎貔
六軍將出戰萬姓莫銜悲多筭惟元老威名祇貳師
受降應有日入貢此何時慷慨防秋急艱虞報國遲
深宮坐宵旰當宁念瘡痍擬看撓搶墮天涯慰所思

送江職方謝武庫董武選督戰

平胡今下詔劔佩肅朝班力盡群公策愁深壯士顏
夔龍遭聖代騏驥出天閑戰捷輕生際功多重賞間
征塵連古塞殺氣暗秋山擬勒燕然石前驅莫遣還

送席子南之京兼訊馬懷玉

浮生無定跡聚散杳難期京國論文日鄉關送別時
塵迷望中路情切醉來詩風落雙流急天空一鴈遲
燕金知道在楚玉使人悲最惜文園賦羈愁兩鬢絲
兵後

胡騎馳燕甸人家避鳳城桑田歸計後兒女亂中情
道路逢親友悲涼話死生加餐心稍定伏枕夢猶驚
俠士橫孤劔元戎集五兵誰能沙漠外躍馬一縱橫
萬少叅懋卿見訪旅寓

不意幽人巷還過長者車入門逢盥櫛當坐出圖書

胡海仍爲客兵戈誰問予論文得騷雅脫屣見迂踈
赤葉鄉愁裏青山候火餘徵求方太劇齊魯近何如
抗疏聲彌著匡時志不虛光生巨闕外材拔豫章初
日月開黃閣風雲抱玉除百年知己在歌頌伴樵漁
送張比部汝任募兵太原

拂曙別承明輶軒西北行天迴濁河水山擁太原城
榆塞霜中色蘆笳月下聲四愁今日最孤嘯幾時平
慷慨深酬主艱難始募兵良駒輕道路壯士重功名
雲斷黃花戍風連細柳營牙旗翻豹影寶劍奪龍精
烽火當秋急疆場計日清歸來上封事應悉九邊情

送楊揮使本善歸關中迺祖容堂總戎向有

傾蓋之雅慨然賦此

樓船揚僕後三世見交情聚散星霜隔存亡涕淚橫
旌旗空楚岸河嶽限秦京爲客逢多事因君慨不平
青年知獻策白首愧論兵候火羽書動秋風龍劍鳴
氣凌投筆者才掩棄繻生躍馬憐西去聞雞想北征
主恩重延攬將種滯功名月下關山笛還吹出塞聲

送程憲副子賓出鎮巴東

前尚寶卿
左遷戶曹

爲惜同鄉別都亭醉酒卮客星淹此地卿月感當時
驛道三秦轉春風萬里隨人逢山日少馬度棧雲遲

曉色迎吳劍，晴空曳漢旗。江長帶魚腹，天迥出峨眉。
弔古應多賦，憑高獨遠思。松深武侯廟，草遍楚王池。
開府雄西極，銘鐘滿後期。蠻方行自靖，巴俗坐能移。
村女勤桑葉，譚童罷竹枝。還教丙穴上，雙鯉報相知。
還峰卷爲宋太守德完題還乃返朴之義

群山高不極，迴合越西城。秋入雲根淨，霜歸石耳清。
望中分樹色，空外落泉聲。地接天台勝，人含太古情。
林間孫綽賦，谷口子真耕。處處烟霞動，時時猿鶴鳴。
幾年守真素，一出見平生。莫遣山靈誚，應高黃霸名。

暮雪集姜太史節之宅同包庸之賦

向夕變山川，寒深歲暮天。旌旗斷海戍，烟火聚江船。
獨鳥歸何後，征人悵不前。玉堂輝自動，瑤闕燦相連。
酒訝新豐貴，冰增太液堅。媚春殊可賦，照夜迥堪憐。
留滯龍門客，逍遙鶴氅仙。共看漢太史，還爲紀豐年。

寄上江寧王

爲客年垂老，思家歲又除。星霜千里夢，南北一函書。
生計誰無累，交情自有初。鬢衰摘賦久，身病感恩餘。
角度城雲慘，鴉棲巷柳疎。西園渺飛蓋，南望獨愁予。

元日晏起書懷

輪蹄遍九陌，此日獨高眠。踈懶終何事，飄零又長年。

地寒疑臘在，窗午覺春偏。短杖閒中侶，浮雲醉裏天。
昨孤兒女望，今復歲時遷。起坐看明鏡，蒼蒼鬢颯然。
初春夜集王元美宅餞別吳峻伯徐汝思袁履善三比部出使得盃字

共餞江南客，芳筵候月來。漏催詩草就，春報燭花開。
把袂終千里，論心更一盃。風人今夜聚，星使幾時回。
官舍遙聞笛，官庭暗落梅。相看倍惆悵，殘雪照燕臺。
春夜徐進士子與宅餞別陳進士憲卿使楚帝里論文夜從來，哲匠能月邀金谷酒，人對玉壺冰。楚調誰相和，吳歌思不勝。多情有徐幹，何計挽陳登。

畫錦懷湘浦，春帆下竟陵。涼秋聽過鴈，望斷白雲層。
送何吏部治象扶母櫬歸平陰

候火心仍北，哀音夢已東。斷腸自芳草，揮淚向春風。
宦迹燕城久，憂端漆室同。海天低落鴈，烟雨失孤蓬。
兵檄關山外，皇情宵旰中。薦賢須此日，還擬待山公。

自挽

居樓夜傾與妾幾爲所覆效陶作以寄意

形骸元土木，夜半返真時。氣盡陳登傲，天留王粲詩。
人皆憐鶴髮，誰更惜蛾眉。還得素輜並，何如金谷悲。
綠珠不同死，魂亦不相隨。

春雪

客中又新歲曉起雪漫漫薊柳春應妬燕城日轉寒
微聲紛戶牖遠色改峯巒閉閣王公醉持戈將士難
旅懷當病後邊事見憂端天子歌黃竹悠然正北看

送中丞許公伯誠出鎮昌平

才名動海內白首華山阿閱世存涇渭逢時謝薜蘿
幾年懷趙璧獨醉發燕歌賦陋陰常侍功高馬伏波
金鉦傳鴈塞鐵騎渡榆河長嘯將平虜雄圖定偃戈
春生千嶂早雲傍七陵多應憶論文侶山城一鴈過

送歸叅軍體之使居庸

叅軍初奉使早發玉河隈雪盡關山路天低龍虎臺

揚旌海樹斷驅馬塞雲開曉色城頭月春聲笛裏梅
沙場薺迢迢亭障鬱崔嵬候鴈從南轉邊風自北來
枕戈憂國步草檄見君才擬待銘功日長纓繫虜回

送童侍御仲良謫羊城

把袂春早天涯幾故知離歌初斷處遷客欲行時
帆度一江盡雲飛五嶺遲炎方殊物色秋水澹心期
正氣驚山鬼威名伏島夷瘴烟聊復酒海月尚堪詩
地遠身仍健官清俗可移羅浮春萬里還望早梅枝

春夜同玉峰禪師遊湖上

夜出招提境滄浪意不孤偶經花浦歇動有竹筇扶

清淨同禪侶，踈狂信老夫。
暖沙閒白鳥，春雨發青蒲。
樹斷星垂野，天空月滿湖。
摩尼珠獨在，長此照虛無。

妙應寺

殿宇獨嶙峋，披雲興益新。
重來布金地，不見雨花人。
湖近龍時出，岩空鶴自馴。
磬聲山正午，卓色路猶春。
浩劫殊無極，浮生會有因。
可憐倦遊客，空自老風塵。

送顧尚書惟賢之南都

靈氣鍾吳會，全才際聖明。
管生知數早，顧凱賦詩清。
大策聞標柱，雄談見用兵。
功高海上，威重日南聲。
聽履猶霄漢，移官豈帝情。
中原愁裏，北斗望邊橫。

月白三江水，山青六代城。
磯看燕子在，臺憶鳳凰鳴。
雜佩兼蘭芷，孤懷寄杜蘅。
酬恩心轉切，飛夢到燕京。

夏日過蘇子川子冲伯仲館值雨時二子將

赴雲中

老去忝詞源，卿家大雅存。
曹劉時復振，伯仲日堪論。
久別惟雙鯉，相逢偶一樽。
人情自萍水，客計且都門。
天迥風雷急，庭深雨露繁。
冒寒關樹慘，當晝塞雲昏。
益重將軍氣，偏銷遊子魂。
行看鴻鵠志，萬里並飛翻。

送金判官之濟赴大倉

逢君候鴈前，別思夏雲邊。
聯騎依宮柳，同鄉戀祖筵。

襟期竟南北，悵望各風烟。城度蘆溝月，潮平揚子天。
蒼生增賦日，赤縣募兵年。佐郡今行矣，憂時獨慨然。
農桑何處足，歌頌幾人賢。莫使逋逃者，春荒海上田。
夏日同李于鱗、賈守準、劉子成、宗子相、四比部南溪泛舟

散步過林塘，相隨上野航。沿流狎魚鳥，爵藕得冰霜。
共擬西湖勝，還乘北渚涼。桂樽移白日，蘭櫂轉滄浪。
楊柳綠堤合，菰蒲出水長。酣歌意不盡，晚色正蒼茫。
梁進士公實臥病詩以慰之

綠鬢中朝彥，清標南海奇。少年成賦早，多病拜官遲。
籠鳥何勞嘆，盆蛇竟釋疑。神清隱几處，心定檢方時。
埋照寧無意，存虛當在茲。西山欲同賞，松桂待秋期。
寄李別駕仲西時轉戶曹

歲寒逢舊侶，別久鬢俱蒼。爲客春鴻過，之官秋草長。
昔年曾抗疏，今日復爲郎。烽燧經三輔，瘡痍及四方。
人皆憂賦稅，誰肯念農桑。直氣猶青瑣，才名自玉堂。
主恩知欲報，筋力會須強。後約花前醉，聽鶯意不忘。
七夕留別汪伯陽、李于鱗、王元美，得知字

久客言歸計，留連幾故知。鵲橋星夜度，燕館月沉時。
天上纔歡洽，人間有別離。晴分絳河影，秋動白榆枝。

桂醕還成醉萍蹤不可期年年湖海上今夕定相思
同張虞部觀戎器有感

軒轅製兵後征伐故相仍夜月刀環動秋霜劍氣凝
天王更神武胡騎敢憑陵北塞金笳振中原羽檄徵
材官馳白馬俠士臂蒼鷹無戰誰長策臨風感慨增
送潘審理請告還江東展墓

昔宰天南邑移官帝子家賈生成白首葛令重丹砂
道在踈人事恩深幾歲華雲迎歸路客帆逐度江鴉
吳苑半楓樹石湖多藕花不堪登故壘揮淚夕陽斜

送誠意伯劉國禎奉命祭周王

淮甸龍飛日留侯佐命同清朝延世賞曠典復元功
鴻鴈勞歌外關山奉使中抗旌長路轉鼓柁大河東
薤露悲梁苑椒漿酌雪宮鄒枚久零落誰與賦秋風

黃侍御協恭督學南畿賦此寄之

美人南國去建業路漫漫六代豪華歇三秋芳杜殘
古臺曾鳳下鍾阜自龍蟠雲度三江遠潮生白日寒
文章知道重品藻得人難側席天王意乘駟正北看

送劉別駕宗周之潁川

客久敝貂裘吟詩徐庾儔之官千里別送爾一樽留
赤縣塵隨馬黃河霜滿舟堂開楚天月湖照潁城秋

問俗初臨郡憂時重倚樓九邊疲餽餉四海劇誅求
世故聊長嘯君才豈薄遊寶刀知有贈清譽滿燕州
送沈叅軍禹文奔喪吳中

清曉素車發歸心千里途身方辭上國夢已落東吳
淮雨含悲切江雲入望孤三秋驚浦鴈獨夜感檣烏
風木長鄰宅霜天低蘸湖何當效徐孺遙爲致生芻

送高伯宗梁公實二比部祭陵廟

祀典千年重嚴趨二妙同馬嘶川日墮路轉石林通
旌旆晴光外山陵王氣中雲深羅俎豆霜下肅臣工
明月帝靈在高秋天宇空瞻依增百感松檟正悲風

秋暮登臺寄李太守子朱

獨立高臺望蒼茫路不分天長橫晚照野曠帶秋雲
上國悲遊子東方得使君心常關吏事才更出人群
燕趙仍思戰瘡痍詎忍聞黃花回雜虜細柳駐將軍
阮籍豈徒醉曾連還解紛掛帆滄海去重擬共論文

寄莫憲副子良時督學貴州

河亭連夜醉送送薊門東海色春帆外鷺聲曉樹中
別來驚落葉老去感征鴻帝里人猶滯蠻方信未通
時遭孟獲變誰繼武侯功旅鬢三秋改憂心萬里同
星羅文有象月照思無窮後約殊修阻何當馭北風

冬夜集張兵部茂參宅

秉燭坐深更，嚴城亂柝聲。
寒雲雙闕迥，夜雪萬家明。
世事清樽盡，邊愁白髮生。
匡時須計遠，和虜竟功成。
自有張衡賦，誰憐李廣情。
劔塵時一拂，莫遣暗龍精。

晚過王儀部道原宅得陽字

步屨過西堂，圖書正滿牀。
論心見冰蘂，隨意出壺觴。
人得東南美，才推伯仲行。
幽期別後少，逸興醉來長。
角斷重城月，簾開滿地霜。
何如踏芳草，共爾賦春陽。

送李侍御源甫奉使雲中諸鎮

柱史江南彥，翩翩威鳳姿。
名從丹闕著，才拔赤城奇。

霜陌乘騶早，寒燈草屣遲。
壯心驚物候，憂色向邊陲。
直出雲中道，高翻雪外旗。
星連劔光動，風助角聲悲。
實塞民窮日，屯兵歲杪時。
孤懷坐永夜，擬報內庭知。

送馬憲副吉甫使雲中諸鎮

歲暮辭天闕，旌旗蕩去塵。
行邊諳戰守，隨事見經綸。
曠野寧無感，勞歌獨有神。
關山驅馬道，風雪荷戈人。
紫塞兵猶募，黃金賞亦頻。
樹動班定遠，畫策漢平津。
亂柝初驚夜，孤城欲動春。
山東近多將，君意在麒麟。

送汪郎中伯陽出守北地

五馬衝寒色，冰霜滿去程。
君王憂北地，父老望前旌。

典郡才方振防年計不輕河山分陝服形勢輔咸京
樹隱青蛇廟天空白豹城人家盡周俗羗笛半秦聲
夜月登樓嘯春風露冕行試看循吏傳終古定垂名

送姚推官景芳之鄴郡

驛道發鳴騶天寒雪滿裘會期何日定別賦暫時留
鄴下能新政漳南豈薄遊城高亂山出地闊兩河流
春草生官舍晴雲入郡樓西園集軒蓋上客有應劉
俗古自堪問民窮誰更憂法曹得何遜寧異在揚州

送俞別駕堯咨之臨清

吾郡本齊地使君當此遊東西抱河水表裏壯城樓
臘雪馬前盡春雲堂外流舟車兩京道賦役萬家憂
和璧才堪重虔刀志未休素懷誰與會孤月照人秋
董職方德甫時轉光祿卿賦此贈之

三秋心力盡經略見才雄董策今誰並班銘志已同
纔收衛律叛更賞霍家功神武惟龍準憑陵自犬戎
兵張群議後官轉百憂中候火驚燕甸宵衣想漢宮
將星寒動塞卿月夜臨空尚憶長征子持戈向北風

寄蔡衡州子木

聞道湘東勝偏宜遊宦情山川壯荆楚翼軫麗瓊衡
白鴈夕連渚丹楓秋滿城樓高分嶽色地迥散江聲

早歲能爲郡中原舊著名有才逢聖代不寐爲蒼生
驛使無書扎蠻方尚甲兵何時同醉賦上苑待春鶯

送庫部楊郎中守巖州

共說新都勝今推良牧才揚帆征鴈盡領郡早梅開
江到桐廬合山從天日來雲寒伍胥廟月白子陵臺
弔古乘驂過行春露冕回長安懷舊好尺素幾時裁

寄塞上王侍御子梁

君王重簡命爾志在澄清節鉞分西顧風雲護北征
羽旗荒外合驄馬雪中行直渡桑乾水還臨驃騎營
九關多猛士百戰有長城夜半仍傳檄天寒未解兵

黑山橫寶劍青海動金鉦獨杖防邊策兼收抗疏名
虛心當國事高議見儒生壯歲思銘鼎空言陋請纓
乘秋摧虜氣計日答皇情應遣龍庭使馳書到玉京

送朱駕部伯鄰使塞上

早發佩龍泉人看紫氣纏河梁懷落落旌節去翩翩
嶺暗飛狐雪關開白馬天寒雲抱亭障枯柳散烏鳶
路轉長城下山橫返照邊胡笳淒復斷海戍奔相連
滿眼農桑地驚心戰伐年風塵諸將老勲業幾人全
北使明星動南歸新月懸應思竇車騎何事勒燕然

送王郎中學甫出守安慶

結綠殊增價飛黃早出群賢聲定晚國經術自河汾
竹馬來童子蒲鞭得使君訟庭閒晚照官樹澹春雲
文物古今勝江山吳楚分歌謠起清夜幾向月中聞

登遵化城樓

地道通遼海山嵐隱薊門登城秋草徧拂劔早霜繁
清切聞蘆管蒼茫見塞垣健兒屯北戍戰馬出中原
羽檄黃塵動牙旗白日翻窮邊思李牧異代感劉琨
旅况聊成賦戎機未易論從茲謝游好歸臥舊山樊
歲暮寄上趙王枕易殿下

燕臺倦游客南望獨登臨雲斷青山色天流白鴈音

向來慙計拙老去感恩深月下八公操樽前七子吟
相違殘臘過多病苦寒侵河嶽三秋夢風騷百代心
賦猶踈狗監名豈動雞林昔寄予有賦聲馳狗監詩價重雞林之句尚憶
西園酒追隨松桂陰

送申職方儀卿謫東萊推官

防虜周王策開邊漢將功兵戈今日倦議論古人同
赤縣烽烟裏蒼生賦役中許身酬 聖主隨事贊元
戎自謂屠龍技那知失馬翁商歌臨別路宦迹感飛
蓬日落雙旌遠天高一劔雄郡齋留凍雪海樹待春
風時變才須補官清道未窮遙知坐深夜霜月滿齊

東

歲暮寄盧次梗

客邸多朋好，栖勞此生長。存排難意，遂有泛交情。
管鮑心無改，妻孥計轉輕。單衣沾朔雪，衰鬢滯燕城。
偃蹇逢黃祖，踈狂自禰衡。家貧公議定，歲久怨懷平。
共擬三江釣，還期五嶽行。采芝從綺季，回首謝浮名。

送萬比部章甫使湖南

望極仙帆色，西南得勝遊。省郎行郡邑，候吏集沙洲。
白日懸湯網，春風釋楚囚。心澄大江水，身倚半天樓。
明月聞黃鶴，清湘見鐵牛。雲開衡嶽曉，葉下洞庭秋。

不倦湖山意，長懷騷雅流。蒹葭正霜露，千里思悠悠。

送劉比部秉卿使雲貴

送君臨大道，別去渺風烟。南徼飛旌處，西曹奉使年。
聲名慕劉寵，蹤跡感張騫。漠漠金沙外，荒荒銅柱邊。
山分百蠻地，樹斷五溪天。濁酒須頻醉，勞歌動幾篇。
火雲馳驛騎，瘴雨泊江船。漸落桄榔夜，清秋獨慨然。

寄許中丞趙總戎同鎮昌平

東西開幕府，節鉞鎮燕關。並議摧驕虜，同心見苦顏。
祭遵應自奮，魏尚更誰班。志出勲名外，機存戰守間。
枕戈邊月冷，勒石塞雲間。氣色雄千壘，園陵倚萬山。

緘書今日報逸駕幾時攀回首黃榆落秋風一鴈還
送陸比部子韶決獄江南

西曹持漢律南使發吳吟落月巖城早寒蟬別思深
九秋行肅殺萬木動蕭森帆下石頭夕雲連揚子陰
榜人偏利涉詞客重登臨爲愛陸機賦悠悠千古心
十六夜同汪伯陽梁公實對月得求字

昨夜醉南樓西堂興未休共看九霄月仍是一輪秋
影傍關山落光連河海流盈虧本無定悲樂豈同遊
青負琴樽雅還憐松桂幽顏顏空自感靈藥復何求
送楊太僕汝握奉使襄國

都亭罷祖席駟牡去駢駢世已多戎事民今半鐵衣
山秋萬木落天晚一鷗飛氣銳兵能勝年豐馬自肥
邊庭馳念切星月坐吟稀驛道滹沱外行看計日歸
雪中劉稽勳體乾宅賦此志別

雨雪逢殘歲長途斷客行翻空何脉脉到地故輕輕
陰接黃雲塞春歸紫禁城池憐寒玉淨樹訝早花明
照夜千山色因風萬戶聲臥袁真是懶訪戴亦多情
寶劔靈常動冰壺虛更清巨源能啓事嵇叔愛藏名
郢曲今誰和燕歌老自平試看東郭履還向鹿門耕
送謝給事汝學蜀中封王

使君入巴蜀使者下金閨軒冕離樽罷風塵去馬嘶
王孫重茅土天子錫桐圭地出函關外山通棧道西
衣裳沾雪冷旌旆拂雲低樹斷分金馬江清見石犀
獨臨諸葛井還泛浣花溪異世懷張載應留劔閣題
送彭明府子殷謫留都教授

故人三月宰卽有薊門行握手驚相問當樽氣未平
醉懷多舊感別賦更新成野色浮雲闊春流去櫂輕
日斜桃葉渡潮起石頭城江上孤吟處天涯兩謫情
官閭踈世事地勝助才名豈待臨宣室今王召賈生
九月七日游佛山同薛子喬闍達夫許克之

賦得黃字

登高待重九風雨恐相妨預約來金地遲留坐石牀
一樽乘野興同賦攬秋光天迥雲全白山空樹半黃
風聲寒颯沓日色暉蒼茫老病偏多感躋攀且自強
片言千氣象千載見文章海右諸名士深知謝客狂

贈史中丞文直

千載東南計三秋戰守功陣雲回氣色匣劔閉雌雄
往事長歌外流年高臥中風霜惟勁竹江海一冥鴻
薄俗懷巢父幽期得阮公醉來論世故謬許老夫同

登天寧寺塔

舍利藏千古靈光夜夜開簷高色界盡天近法雲來
鶴自虛空轉龍將風雨回地形標疊嶂河勢見三臺
徒向人間老深慙鄴下才今從遠公社登眺思悠哉

酬樊侍御文敘見寄

故交成遠別幾度感征鴻近得山濤啓深知仲弓忠
天留三殿疏人避兩都驄誰有匡時計君期絕代功
巡行威趙北戰伐念江東節鉞長吟裏冰霜獨坐中
論兵何日定憂國此心同莫道狂夫醉扶桑欲掛弓

孫太守復過鄴中詩以贈別

君去多憂裏君來百戰餘海天無捷報蜀地豈端居

郡邑才難盡朝廷計不踈野寒風亂旆日晚雪盈車
鴻鴈驚春早關河度歲除卽今山吏部啓事竟何如

宋德完轉海南方伯詩以寄懷

君才今宋玉絕代有清標官自西江轉名同南斗遙
揚旌天欲盡度嶺瘴全消象郡通山勢羊城壓海潮
春前花競發霜後葉遲凋無復悲秋意登臺望赤霄

上洛中大司馬王公壽篇

瀍澗抱王城高高壯漢京河山元地勝靈秀自天生
才逸青雲早功多白髮盈薊門曾選將秦塞久知兵
月曉尚書省霜嚴驃騎營艱虞扶國步宵旰見皇情

身豈風塵倦心猶冰蘖清廟廊千載計柱石兩朝聲
不負烟霞侶彌堅松桂盟周田安舊業洛社聚耆英
公與洛下八賢結社乘醉新詩健能書老眼明棲遲航綠野恬
澹愛黃精已脫升沉世應藏著述名三秋攜杖出二
室擬丹成忽下浮丘鶴還聞子晉笙當樽話寶訣夜
色正參橫

朝歌留別蔡侍郎

旅客承三顧軒車忽再過老年知自懶古道信無多
春動雲千里天寒鳥一柯下交松柏久中感歲時知
未定青山計聊爲白石歌身雖各燕趙心豈限關河

世事堪高枕邊籌定偃戈有懷裁尺素早晚到烟蘿

寄楊明府子庸時應辟北土

聞道辭花縣因風寄短吟虛懷惟片月行色有孤琴
父老別時淚郎官到日心都城向晚肅御水入秋深
霜冷催南鴈天高接上林薦書應不負霄漢聽來音

秋夕張少叅文輝劉僉憲仲安舟發塌河竚望有作

作賦張平子能文劉孝標空憐此明月不得共清宵
一水流何急雙帆去漸遙秋光雲淡淡風色樹蕭蕭
沁浦期高興蘇門擬勝招齊名鎮河朔歌頌到漁樵

陶山驛舟中送別蔡司馬于水

送送蒼茫裏風烟思不休朝行各桂櫂夜泊共蘆洲
離合嗟吾老悲歌見世浮楚狂能自適燕俠豈也求
樽俎懷同寫衣冠禮自優至情出兒女往事感交游
才是揚雄輩人非丙吉儔天高詞賦氣家遠廟廊憂
岸闊雙帆曉星明一劔秋君心在萬里東去此河流

讀張封君傳

封君號久菴四明庠生廿四歲而卒題廟石里儀部示其傳感

而賦此

越士歸何早因之數昔賢賈生多九歲李賀長三年
才並道窮達名齊身後先筆花隨夢斷詩草得家傳

路杳青雲上風淒白鴈前鄉評殊定矣人事盡茫然
明徑但踈竹山凶虛舊甃修文悲隔世有子恨終天
誅在滄波咽恩餘紫詰懸傷心松檟色海上渺寒烟

宋憲副伯鎮公署宴集賦得秋字

昭代詎悲秋才高宋玉儔暫分開府重不倦塞門游
霜露清燕甸風塵靜易州五雲俱北繞衆水各東流
報國須難事匡時豈細謀河山仍倚劔今古一登樓
銘鼎天相許論心客自留春應氣色動功擬廟廊收
老去逢青眼狂來怨白頭中懷對知己隨處是滄洲
哭晁太史君石墓

多士期東閣孤懷向北辰名高太史筆病劇長卿身
匡世天何奪盛才誰更真茫然隔氣象遽矣失經綸
白舫雲隨櫂清秋月寫神半生餘著作萬事已荆榛
策杖來何晚臨風愴獨頻尚思排難處一諾定交晨
同為盧淚濕墓前土心通泉下人明年花自發猶似
玉堂春

程總制信夫東歸賦此寄懷

六遷皆陝服驄馬昔飛霜節鉞威西極烟塵靜朔荒
邊愁歸後少詩興老來長退是完名策閒為却病方
片雲隨去住二水合蒼茫野樹蕭蕭色秋花淡淡香

有杯延故舊無意話行藏何事伏波叟驅馳瘴癘鄉

寄李子田張子維胡懋中三內翰

久違三太史何日覩清標帝里書難達雲山夢豈遙
玉堂頻促席紫陌更連鑣風雅流元氣賡歌起 聖
朝人間傳白雪仙路共青霄癸丑榜幾見燕霜下偏驚
御柳凋明光草詔處長樂度鐘宵信是非凡骨應期

王子喬

寄懷戶部翟員外十韻

大雅昔同社為郎書報遲黃花寒自發白鴈夕何之
邊餉烽烟處中懷鼓角時山林憂共繫歲月道相期

聊取浮生醉寧求異代知家無步兵酒世有嗣宗詩
計部勞心力功臣重鼎彝乾坤吾老矣霜露自凄其
漢室存元氣漳流寄遠思風胡今不見龍劍失雄雌
答張弘軒給事寄詩兼憶戚南塘都督十四

韻

相聞先寄意珠玉耀柴荆 北闕風塵路東山歌舞
情登臨殊不倦著述竟何成鶴髮惟踈懶蛾眉共死
生來詩有鶴髮蛾眉真絕調之句知心仍夜月和曲更春鶯閱世兼
憂樂銜杯任濁清群嘶胡地馬爭奮漢家兵國士膽
依切 天王賞罰平諫多金殿疏馳遠瑣闈名自古

安邊計于今太史評將才能戰守劔術敢縱橫造化
元無迹江河自有聲島夷功不細塞虜議非輕柱石
誰應薦春風滿使旌

傷周小池詩友兼示乃嗣子效

爾父限花甲吾年七十餘傳家慙自拙教子問何如
昔有桃源興今成蒿里居吳歌古調罷燕俗舊遊踈
夢遠三秋月交深兩地書相逢揮老淚風色慘中除
寄翟雱泉樓村二進士

方招東閣賢 帝命一巡邊策定風雲合功高雨露
偏翟門羅雀日費杖化龍年寄意旗中見齊名賦後

傳郭西尋勝迹湖上采芳荃榮悴由來事跡慵老去
憐愁餘潘鬢改憤洩董臍燃朋好仍千里陰晴各一
天黃花駐秋色白鳥出寒烟遊興登山屐生涯負郭
田冰霜旣苦思朝市寡塵緣丹洞渺何許相期訪偃
全

聞王麟洲員外同乃兄鳳洲廉憲告病南歸

賦此寄懷

司馬一何苦江東扶柩還世遭豺虎厄天許鳳麟班
丹闕仍優典黃泉豈厚顏名齊忠孝裏心轉重輕間
燕路馳冰雪吳雲望海山弟兄無限淚柏樹更相攀

寄贈謝竹亭公子

同宗自何代安石越中家麗水散金色藍田分玉芽
飛揚君可羨踈懶自堪嗟棋進馳心遠詩成寄興賒
月高燕市酒春滿沁園花沁水在懷慶城西遙想鳴珂處
翩白鼻騮

酬楊萬壑茂才見寄山水圖并詩

畫逼輞川工王維信可同雲微天若遠石斷水如空
裂素寫能盡披圖意不窮相知萬里合相望一書通
神會江天月名傳海嶽風君才變化裏吾道寂寥中
猿鶴交年久漁樵化歲豐懶時猶蔣詡 聖代豈揚

雄地勝閒多賦山靈暗有功寒暄依古柏霜露感秋
蟲養拙聊幽事探竒柰老翁丹青長在壁逸興滿蒿
蓬

邊警寄張太史子維

學士別來久殘年嗟轉蓬悲秋心獨苦乘月夢相通
起對霜林白驚看烽戍紅老懷生事定時議野夫同
世故浮沉裏天機浩渺中黃金獻上國赤子悵西風
斬馘邊人淚馳驅漢將功董狐今史筆此意託孤鴻

登代州城樓望老營堡有感

寒色浮城上遐荒盡目前南雲接汾晉東路轉幽燕
烽舉兵威振冬來殺氣連烈風胡馬亂斜照漢旌懸
諸將寧無術三軍更可憐黃昏出鬼火白日斷人烟
實賴中朝盛還期眾壘全死生多爲國賞罰本由天
搗賦吾聊爾憑高此悵然感懷空佇立枯木下烏鳶

寄孔方伯汝錫

每憶汾陽約何爲代北游神交太行迥調合建安流
高步雲隨杖窮邊雪照樓虜驕輕出入吾老重淹留
厚祿誰思報嚴兵只禦秋材官幾人在國士百年憂
上古元無戰中丞自有謀冰清聞鶴渚潭冷閉龍湫
舊社獨來去春醪那唱酬相逢話時事感慨望神州

有客談沈叅軍事感而賦此

寶劍作龍吼我心胡不平
獨存燕趙氣長嘯古今情
道喪由天地才高繫死生
行藏雲共滅悽慘月孤明
舊事嗟黃祖多狂惜爾衡
文章歸土苴蹤跡斷邊城
自失眼前策何求身後名
越東返骸骨風雨咽江聲

冬夜劉伯東官署同謝侍郎楊總制吳郎中
王計部宴集

浩氣乾坤迥孤懷歲月遲
龍荒天盡處鴈塞臘殘時
凍澁莓苔徑寒凝冰雪池
雲山成慘澹霧樹隱參差
醉後寧無感歌中別有悲
雅交應道合僻性復誰知

客久頻歸夢年衰幾會期
相逢不披豁何以重遐思

度嶺

青楊盡枯槁松老獨依然
觸日多興感勞生自惜年
馬前冰雪徑客裏歲寒天
餘興歸時遣中心險處懸
轉崖經亂石出嶺瞰浮烟
轟轟龍荒斷蒼蒼鴈塞連
壯遊無少息勝事豈能全
回首圭峰寺何由結靜緣

春雪寄懷李兵憲廷實

憶昨郊亭別衰年嗟後期
飛塵仍望遠斜日獨行遲
孤驛雲屯騎嚴程雪蕩旗
河山春共色松柏慘垂枝
隔歲淹歸鴈衝寒惜健兒
還應念踈懶閉戶復誰知

寒食背郭園宴集同孔丈賦

招攜多勝事幽僻斷翳塵水學蘭亭轉園開金谷新
山川昭代賦令節異鄉人傾蓋相知定當杯各見真
鴉帝樓角暝花隱洞庭春正欲標奇絕從教客過頻

三月三日集北園孔老同賦

北園探勝絕花竹密相連淑景堪留賦斜陽復改筵
坐當春色裏興逼古人前梓澤吾聊爾蘭亭此宛然
文猶元狩日俗豈永和年欸客連朝席流觴幾曲泉
縱教中散醉况值石軍賢何處妨佳節愁人風雨天

寄懷王下海北期

惜昔探岩壑行吟春雪中松門隨意歇石鏡照心同
聯榻期仍擬回驂興未窮一樽留謝眺萬卷比揚雄
鶴轉風塵下鸞棲枳棘叢于今翻百感猶自限西東

送林廣文茂德宰懷遠

俎豆辭三晉文章重七閩遙馳薊門路又負杏園春
憶昨青氈冷于今墨綬新山川和璞地風俗禹墟人
列宿元相應清淮迥自鄰君才且百里玄鬢有經綸

寄馮大叅汝言時督餉平陽

京國分襟後鄉園把酒邊風塵相並馬星月共浮船
久重掄才日頻勞入計年心懸漢轉餉身歷晉山川

黃葉許由樹丹霞姑射天乘秋多勝迹弔古幾新篇
羈客何衰矣停雲獨悵然有情皆是累寄語故人前

壽徐世鳴詞丈六韻

戚里饒軒冕君家總俊髦兩兒龍種別諸弟鴈行高
瑞霧低金屋陽春滿玉醪文名接徐幹僊骨並盧敖
風送天邊鶴霞蒸海上桃陵華鼓瑤瑟曲奏八琅璈

留別王別駕文父

太保瑯琊族千年事已聞寶刀無定主勲業復歸君
交接吾何晚飛揚自不群老懷期後晤秋氣感中分
天地無窮路關山不斷雲到時仍在客幾度望河汾

留別王計部子明

北餉關憂日西歸讀禮時相逢惟古道一見卽深知
月滿翻言別年衰尚問期白雲山右路黃葉雨中枝
心遠朝廷計情多萍梗詩祖筵能自慰秋氣復何悲

冬夜過順軒昆季因述病懷得峯字

病多違舊社一訪正昏鐘豈奈形骸苦寧辭藥餌重
雅交隨去住老計轉踈慵寒夜惟殘月霜天有勁松
逃名竟狽鶴閱世且魚龍昨夢尋真處雲深太華峯

冬夜王朝儀張汝宜栗仁甫鮑時化王德卿
宿孔年屈行甫諸丈攜酒見過予賦此以繼

耆英之風焉

長者軒車集天涯，慰轉蓬行藏。各有道耕鑿，未全窮
久定山林計，猶存京洛風。清時七老會，明月一樽同。
鳥寂群依樹，雲閒半在空。寸心貫金石，千古寄絲桐。
氣合狂歌際，懷高勝事中。青青北園竹，寧改歲寒叢。
暮雪過雲洲，書屋賦得開字。

迢遞同雲暝，翩翩策馬來。山城萬戶閉，風雪一樽開。
幽徑迷孤鶴，疎林訝早梅。微聲寒簌簌，遠色夕皚皚。
客子勝遊地，王孫能賦才。剡溪昔乘興，何事權船回。
冬夜北園同社中諸文賦得宵字。

園亭可避俗，逸興邈來饒。共結歲寒侶，那辭風雪招。
棲真豈蓬島，終古幾松喬。幽事堪頻數，閒心自寂寥。
賦多形勝地，身老聖明朝。我亦楚狂輩，高歌同此宵。

寄題小山叢桂莊

梁國多王孫，君書到我門。雲停心有託，月照意常存。
道在古今著，詩成枚馬論。風光猶鴈沼，物色似菟園。
鴻寶何當秘，佳賓可晤言。長歌招隱士，幽意挹蘭蓀。
紅葉三秋樹，黃花九日尊。誰知魯連老，獨憶趙平原。

吳太守明卿自邵武入覲，過鄴投書敝廬，因
汪中丞玉卿招予盡室而南，定居閩越間，予

時客晉賦此奉答

昔別都亭柳垂條幾度新獨辭燕趙路相和楚陽春
老去轍魚涸時來尺蠖伸中丞遠意切上黨故情親
延士堪爲主移家豈在人漁樵今自適龍鳳古誰馴
地得知音侶天留報德身有期孤釣渭多事負耕莘
西極連三晉南雲望八閩海霞疑振藻江月恍交神
客阻關山暮鴉啼風雨晨鄴臺停五馬空復訪綸巾

寄陳雨泉方伯八韻

滇南亦何幸萬里得吾詩海上鴈飛早吳中書報遲
意深元兩見交澹永相知久別各風雨端居聊歲時

霜柑春釀熟野館故人期稅畢門常淨郊行杖每持
月留鶴市景松偃虎丘枝何處藏神劍靈光復爲誰

寄郭劍泉少卿八韻

重輕南國稅大計切鄉閭都下嗟遷客吳中惜諫書
宦遊無定轍功業豈安居野闊登臨外天清戰伐餘
名卿兼武略主將信兵車養拙憐駑馬忘機羨老漁
風來荷葉亂雨歇稻花初坐掬池塘水澄心淡自如

懷白洛源計部八韻

丹陛朝班出青宮物議生身隨群妬盡道在一官輕
放逐無停轍踈慵自著名江山吳賦格蘭蕙楚騷情

月剩清秋影天留白雪聲虛歸麟鳳網永絕鷺鷥盟
味輟雕胡飯香餘錦帶羹藏靈但寶劍誰復識龍精

寄懷劉沁州伯東

兩州纔五馬嗟爾舊爲郎思苦低函月心清滿署霜
能臣全國計明主限邊疆一謫聊淮右相期又沁
陽壯圖天意在小用宦情傷路直易行盡河灣偏去
長星輝遙結綠風力助飛黃自古艱虞者勲名未可
量

送蘇子長授大梁都事不赴歸濮陽

愛爾鳳毛竒朝紳早見知意踈懷刺處機息拜官時
昭代寧無感青年合有爲春風吹不歇獨馬欲何之
丘壑存真隱雲霞愜素期芳蓀依浦靜幽鳥度川遲
俗薄惟沽酒心清愛煮葵還隨莊叟釣應擬子卿詩
伯仲才堪並農桑志不移遙占德星聚濮上寄遐思

五

五

五



